

蟻

術

詩

選

蟻術詩選目錄

一卷

五言古風

秋懷

次韻王彥強監稅中秋不見月

又次九日韻

夏夜

夜

謁青龍文廟

和孫果育先生曉行池上韻

晚望五側體

齋居讀書倣晦菴先生體二首

早春次陸伯弘韻

陳元茂別去十年扁舟由山陰來有詩敘懷

次韻識喜二首 用上人萬玉軒

上武陽太守汪公國良

公新安人善文詞書翰

次宇文子貞別駕見貽韻

熏自聞上人禪房與陸伯弘暮坐偶成

全真師鄭無用北遊

午日曹雲西翁厚 堂分韻玉字

秋懷擬古用黃伯成韻

黃仲珍會試回潘省中有詩留別沙德潤任

以南皆次韻持來求予著語

德潤以南又賦以適遠興再和爲答

贈經筵檢討太原陳敏夫

四月十七日偕張彥聖陳景曾李道原郭與  
仁倪自明遊東岩蘭若分韻得夏字

彥聖次予夏字韻見貽乃亦次彥聖孟字韻  
爲答

彥聖再用夏韻見示又和以復

再用前韻與彥聖景曾論詩

景曾和孟夏二韻見貽復用孟韻追道向者  
泮林聚首出處之誼

僕年來塊處閭閻緬懷平昔託交粗多然意  
氣相期者指不多屈因景曾詩中論及交

道就韻以懷數子隔絕

送傅子初先生之信州錄事

題傅伯玉來青軒

瑞閒雲開士雲深處

昨以青鏡褐帶寄郭志道先輩暇日貽二詩  
以彰所貶不啻引玉之慚次韻爲荅

春晴次申屠仲權進士韻

申屠仲權與曹安雅翁爲五側詩以論進學  
之道持來屬予和韻

送錢思復之海鹽州教授

庚子歲暮飲曹園古梅下分韻得動字

有探得暗字者辭以韻拘閣筆主席者求予

補卷

曹孺章得岸字韻時方從軍求余擬作此亦  
梅花之變風雅也

庚子歲暮風雪極寒入春兼旬餘凍不解殊  
無春意青龍鎮文學林子敬相拉飲于鱸  
堂約共擬催春之作

奉寄海鹽知州李正卿先生

贈星數術士陳秋巖

田家四時詞爲九山學稼軒作

戊申仲冬兒穎爲館人所連得罪繫獄朋游  
咸謂必老夫叫闥乃可昭雪由是衝寒扶

憊戒途凡越旬始抵石城道間記所見得

詩如左

澱湖

吳門

新安鎮

沙湖

義興

前馬鎮

溧陽

七里山

分界山

官塘

白府君廟

謝亭岡

青梗

金陵

壽靈源上人遊方

錢塘林子文以星術醫藥畫筆遊食江湖爲

題行卷三首

幼女嫠居澄江無後可託親往載之以歸庶  
盡父子之道且得縣宰給以公文沿途無  
關譏之虞丙辰歲月廿一日出關宿城南  
屠家鎮逆旅中夜分枕上紀述示舟中同  
行者

寄贈潁上縣令車則明會藉人小兒潁以罪  
遷彼此公知其非辜每加矜賻

贈寫神王鑑堂

寄南金絕句

夢中紀遊

題窠石絕句

金錯刀竹



二卷

五言長律

貞溪寒望

至正庚辰歲暮大雪同孫果育李野衛立禮  
三先生分韻賦禁體得天字二十韻

太原秦景容肄業胄監以春秋經中大都鄉  
魁有田在海隅至正壬午秋以收稻至雲  
間錄示近詩和韻復其來意二十韻

送松江太守楊公正秩滿歸太原

悼趙士弘先生

宋宗室與先生同戍子生

錢南金往歲胥會嘉禾紫虛觀近聞館於潞

湖謝氏經年隔絕寄詩問訊二十韻

辛丑早春和顏仲逸新正試筆韻

客居感懷寄簡吳野舟四十韻

邾仲誼博士久別重見以詩敘聞依韻之二

十韻

追悼南金錢文學二十韻

乙卯立秋日客舍紀懷二十韻時長兒克穎  
遷于潁水幼兒克淳没于濠梁故園凋落  
殘生茫然不能無感於天時也

三卷

五言短律

陪孫果育先生遊千山次韻三首

題圓智寺

懷古太初書記

贈壽南麓上人

辛巳歲元日雨雪中飲曹雲西翁家次翁韻  
錢南金往海鹽省母阻風歸遲用曹雲西翁  
懷之

寒食次雲翁韻

還家舟中口號

荅宣伯襄孝廉見寄韻

丁亥臘月廿八日立春雲西翁有夜枕之作  
詰朝置酒餞歲次韻以復

橫泖客舍立秋日

橫泖雜言二首

客舍早春

寄南金

哭劉希孟先生

無錫東屯和朱梅山司丞韻二首

歲暮九山道中二首 橫溪夜思二首

挽衛立禮先生二首 泗涇雜詩四首

次韻荅馬本勁賢良見寄

俞山月用韻敘舊如韻荅之

早春用前韻述懷錄似馬俞二友

城樓雨夜

歲暮 丁未

己酉春金陵旅舍和蔡君立程傳可二友韻

奉酬錢曲江見示韻 湯成二首

春日橫溪

哭王子章先生二首

挽謝德嘉同知二首

和襄陽縣宰沙德潤春遊韻

四卷

七言古風

昭君出塞圖

松居圖歌爲會稽陳元茂賦

畫梅行會稽王元章惠以墨梅且題其上依

題酬之

玩古行武川唐允文蓄古圖畫碑刻金玉彝

鼎及諸器物一室中名之曰玩古齋

桃源圖歌

荅唐元度惠草堂詩陽羨茶

旅秋行次韻荅錢南金所寄知近寓秀水僧  
寺  
題許守中太和丹室

四皓圖歌

澹滄漁叟引爲樵李蕭養素賦

張氏三味軒歌

穀江行三衢之江山常山二水自須溪金川  
合流交錯如穀故名穀江賴上文學掾徐  
景顏居於其間自號穀江漁隱云

讓東畊隱歌爲烏溪黃成章賦近在潁庠分

教

五卷

七言排律

汪太守壽席同諸老今韻得蘭字

寄孤山和靖祠堂葉掌祠

曹安雅翁新營灋東莊

六卷

七言八句

冬桃

苦梅

出遊別溪上親友

次韻王彥強客懷

江城暮春書事

次韻安雅翁亭屏榮悴松圖

寄錢素菴鍊師師雲間南城大族

寄錢南金孝廉

奉寄熏自聞上人併謝槐茶冷淘之款

挽會稽呂勉夫先生咸平宰相申國公九世

孫也

次韻曹雲西翁雨牕述懷時故里大水

題徐中孚高士代祀武當桃源中朝諸公詩

卷

孤山新建初靖先生祠

暮春次南金韻



題錢素菴鍊師封雲室

又可月亭

謝王伯靜惠葛巾

東永嘉裴日章進士

次南金見寄韻

寒食雨中

奉王智叟真人二首

簡唐復齋徵士

簡吳太然高士

簡楷則中書記

簡黃魯德秀才

簡賢大愚座元

送張茂夫之南安縣尹其父嘗爲翰林學士

早春錢南金用陳景曾韻紀會

次韻孫果育先生海鹽茶園道中作地名夾

山有金粟寺試茶院錢南金嘗約予遊未

果

次孫果育先生觀海韻

乙酉歲人日閒雲端師過訪得唐復齋錢南  
金賢大愚各以倡和之詩見寄因就韻各  
荅一章以當新春問訊首荅閒雲

重柬南金

頻年與陳景曾分教泮宮去秋竣事新春景  
曾有詩見寄次韻爲荅

送吳景高廣文秩滿歸永嘉

次李太無鍊師見寄韻

次韻謝戴彥李先生

其父帥初先生與先大  
夫同登咸淳辛未榜

遊吳中靈岩寺

歲暮寄南金時在茜涇積善寺

哭李仲輿隱君

題吹笙人詩卷

海濱何隱齋靜得軒

辛卯歲臘月大雪次曹安雅翁韻

海濱何氏攬秀樓

新春荅陸伯蒙見寄之韻

荅明心印上人約遊潑山寺

石湖圓覺中半雲法師和前韻見寄再韻荅之

橫泖客舍二月陰雨兼旬無朋游詩酒之樂

花木禽鳥之觀不能不動貞溪之想賦以  
紀懷

次韻荅曹秣範春日感懷

早春潘濟民遠過客舍以詩見示和韻爲荅  
紅梅

贈王同僉

次張漫亭雲溪菴晚望韻

挽錢素菴鍊師

和倪德中見寄韻

清明日陪王同僉遊馬跡山

次韻焦漢章胡景仁見貽之什

過千山荅孫果育先生見示之韻

寄馬敬常冠軍

辛丑七月一日寓橫溪觀迎引大士經會  
酷暑鬱蒸廣庭露坐忽晚雲送雨神氣始蘇  
唐元度有詩見似因口占以復

次荅海慧上人見寄韻

淠成用楊廉夫韻

寄鄉人魯道原贊府

懷澄江鄧毅夫帥叅

寄馬文璧徵士畫得名

簡崑山慧明極上人

善詩文  
隸古

荅馬敬常冠軍見寄韻

荅張孟膚見寄韻

孫長慶小山招隱

曹幼文遺安室

錢思復寓泖濱見荷花憶西湖遊賞有詩述

感書以求和步韻復命

再和

七夕思復韻

再和

癸卯元日與南金感舊而作

張孟膚過余故里有詩寫曹雲翊西園景物  
不覺起余舊感向來文物荒蕪殆盡前輩  
典刑邈不可見什樂之地間存遺跡長厚  
之習則掃地矣不能已於言也

青龍任氏母貞節堂

楊廉夫受吳門賓館諸公餽餉爲詩自述且  
求友朋屬和次韻答之

甲辰元日次成元章韻

早春過曹雲西翁舊園

次錢思復寒食懷錢塘韻

送勤無逸上人亂後歸西湖復業

丁未元日和夏頤貞韻

曲江居士特以險韻與倪雲林論方外事和者閣筆余適自外歸持來求正戲爲下一

轉語

次元博弟初度自壽韻

和楊鐵崖曹園感懷韻

宗上人芝山小隱

俞子昭見寄舊懷新感藹然言意之表次韻

奉酬

用曹新民韻感曹雲西翁園中老梅

歲晚訪陳景曾于金澤几間有新詩信筆和  
韻以述會合

次韻吳野舟見寄

新春和徐澹然處士韻

俞遂良有遊九山之約借韻促之

奉酬夏時可文學早春之韻

澹然時可遂良三君子皆有春遊之興借韻  
訂之

贈嘉定普福官秦東海高士



送陸伯翔往金陵授業侯門

贈理即中上人禪學之外尤明丹法

九日橫溪客舍

賦同門友葉子澄春星堂

又賦子澄雪篷軒

甲寅至日在橫泖客舍憶存沒二子

和錢思復過真淨旭公房所作

秋日過余山

荅胡克溫惠藤枕

又鐵冠

感橘

黃岡賈彥德碧梧軒

賦鄞士梅隱

七卷

七言絕句

見梅懷錢南金

早春駕湖疲泊

晚晴二首

小鬟以墨海棠爲名友人張子正爲之畫以  
求題

七夕孫果育丈席上有詩首句約坐客各續  
卒章爲賦如左

題演上人畫蘭

題危鍊師春溪小泛畫

題黃一峰畫扇

陪曹雲西翁攜妓泛荷舟中次韻

明日曹安雅翁約席上諸公再放蓮塘席間

次韻

次韻荅衛立禮元旦之作

桃源畫卷

松竹卷子

雪山便面

春日和錢南金韻

次荅汪子翼進士嘗爲采石山長三衢學正  
同曹雲西翁泛舟過千山

賦孫果育丈千山小隱

卽景

次張湧亭遣興四首

從軍過太湖上梅花正開與顧允中趙君式

登山縱步和韻三首

挑菜美人圖

和錢思復春日口號

己亥二月晦日寒食無錫東屯舟中漫成

客樓春日

西湖小景扇

香雲室

題曹元博壁間馬文璧小畫

題項鍊師山房倪元鎮小畫

題夏頤貞所藏王眉叟真人馬遠溪月堂卷

題扇寄鄒君顯

君顯荅賦再韻以寄

一峯道人畫九山雪霽

題墨竹

李雲山畫秋林晚步

梨花十二紅

夏士安家董元小寒林

辛亥中秋橫溪菴客牕對月口號

桃花五色子

橫溪晚步

懷野舟客

停簫士女圖

息齊李使君自號廣陵醉客其守吳興日郊  
行見民家小湖石名蓮花峰玲瓏奇秀求  
之弗獲乃畫爲圖且書其意以識不忘客  
有持以求題者

杏花宮女

柳陰宮女

牡丹宮女

蒼筤宮女

秋懷故溪

元日試筆

上巳日泊舟崑山縣城北十里顧墓田家風  
暄日麗野花亂開邂逅父老爲設尊俎相  
率縱步春興橫生乃爲短述以紀所見

曹園看梅

貞溪初夏次南金韻

八卷

會合聯句

至正改元余寓虎林三閱月南金授業茶院  
孟冬余歸而南金亦還溪上夜坐縱談念  
不可無述以紀此會四十韻

編校遂生亭聯句

有序

舟中聯句

蟻術詩選目錄畢

蟻術詩選卷之一

元雲間邵復孺著

明新都汪 稷校

五言古風

秋懷

金風應商節，遶樹生秋聲。  
況復疎雨過，莎鷄振前楹。  
客居在城市，朋從少合并。  
雖無山林賞，乃亦無俗情。  
芳時屢消歇，身世坐無成。  
廣庭散短策，逍遙塵慮清。  
陶然發孤詠，聊復遂平生。

皎皎青樓月，流光照幽樹。  
當時樓中人，邂逅感相遇。  
娟娟耀華年，粲粲美風度。  
黽勉在同心，誓言金石固。  
離居



幾何時玄髮各已素豈無陽春心去去若朝露芳馨苟  
不存臨風歎遲莫

依依漢南柳秋至多悲風搖落在一息坐此颯爽中衰  
榮有天運物力詎能攻桓公豈不偉乃亦歎其窮嗟哉  
山林予出處將無同

今日秋雨霽廣陌后土乾出戶欣所矚紅塵滄海寬  
予此行樂朱顏撫雕鞍

次韻王彥強監稅中秋不見月

高樓有佳人長歎惜流景漫漫夜何其耿耿愁莫省昔  
爲陽春花今魄明月影徘徊望雲端悠然素心冷

又次九日韻

佳節坐無緒行憩嘉樹陰  
秋花澹相對慰此遲暮心  
悠哉美人遠輾轉相思深  
天風日夕起長歌良不禁

夏夜

紈扇寄晚興竹牀生夜涼  
大星在南極新月照東廊  
稍隔葦泖路遠懷荷芰香  
夜深屢移枕清漏一何長  
林端鵲尋巢屋角螢照席  
風生銀漢涼雲散玉露滴  
坐久氣益蘇心靜神自適  
鄰鐘忽迢遞相與破幽寂

夜

月白霜滿地山家寒未眠  
人影在門外梅花遶牕前  
村春自斷續戍柝相後先  
沈吟惜良夜那能遲芳年

謁青龍文廟

鎮市近東海人煙迷遠郊前朝有勝迹遺碣在荒茅民  
識青龍艦樹傾黃鶴巢崇臺近僊路擬尋王可交

地有王可

交升  
仙臺

雲落暮潮上雲橫春樹迷刺船龍江口解榻鱣堂西舍  
采重典禮采芹留品題風塵正旁午教養詎可稽

和孫果育先生曉行池上韻

逍遙碧梧井顛倒白苧裳荷淨雨初過水清心益涼晨  
風却羽扇秋意滿藤牀了無塵中趣良以遂行藏

晚望五側體

出戶縱兩屐略約不可度興到意未適且復信晚步野

景頓慰目萬壑條已莫興盡始欲返解后有所遇父老  
謂有役耒耜出遠路況乃積水涸岸脚稍復露觸物卽  
勝賞慙爾釋俗慮竚立望不極瞑色亘綠樹

齋居讀書倣晦菴先生體二首

端居掩柴門四月忽已暮物色催年華綠陰滿高樹雨  
除軒牕靜宴坐屏百慮清風激然至好鳥聲亦度愛茲  
羣芳秀幽景欣所遇瀟灑契心賞澹焉忘世故

清溪一雨過沃野桑麻成屬茲長養節慨彼少壯情庶  
類各有適微生湧無營窮居在田里胡能事虛名俛仰  
徇幽獨陰陰散新聲百年總役役且復遂吾生

早春次陸伯和韻

春生海岳菴冰消建安瓦山鍾隔遙林漁篋散寒野遠  
客忘馳驅懷人賴陶寫書燈尚鄰雞塵陌已官馬

陳元茂別去十年扁舟由山陰來有詩敘懷

次韻識喜二首

向來秋懷詩絕響斯寡和憶君鼓朱絃對客汎白墮歌  
長竹間醉興盡花下卧有時舞婆娑褰衣綠陰破  
契闊日以邁交道日以虧緬懷載雪舟放情換鵲池山  
川固無恙觴詠長若茲流水日東逝何以寓相思

用上人萬玉軒

琅玕遶禪室坐卧空翠間誤疑簣簞谷携入藍田山戒  
衣蒼雪亂談塵清風還何當往擊節亦以香巖關

上武陽太守汪公國良公新安人善文詞書

翰

峩峩紫陽山高廣出奇觀千年喬木存蒼翠拂雲漢名  
家多世臣冠蓋恒煥爛道統自考亭事業擅藩翰朱紱  
清廟具一倡起三歎謝庭固多才王羣足渙汗

能書事魏晉筆陣妙莫傳清絕籠鸞經窮窅臨河篇神  
交千載上八瀟日以全錐沙得利器墨沼龍蛇騫向來  
鮮與趙已擬摩其肩記名金石間良以永斯年

春風滿庭戶三槐日芬芳雨露足生意清陰蔽高堂彼  
美蘭蕙花婉戀有國香良時拜家慶綠衣列成行孔庭  
富詩禮寶氏多義方懿哉德星聚霄漢生光芒

次宇文子貞別駕見貽韻

泠泠茗雪溪清泚世莫比中有泗濱磬籍籍韻人耳采  
之貢廊廟秀發鉤天微願言正始音行贊元化理  
鯤溟多化鵬鷄羣有孤鶴偶茲樊籠困所志在寥廓豈  
無青冥姿迢遞若溝壑知音苟不存清暖何由作

熏自聞上人禪房與陸伯弘暮坐偶成

郊居絕勝賞性僻如自然時俗非所趨方外若有緣況  
茲蘭若幽坐榻臨清泉飄然縱心目問法得老禪丈室  
頗蕭散妙語開玄玄西牕綠陰靜林麓含雲烟逍遙接  
清景塵俗詎能牽

全真師鄭無用北遊

往簪柱下史翩翩跨青牛示彼衆妙門葬此玄學流後  
來羣仙籍往往在北州至今燕趙間斯道良可求鄭師  
宦門子氣寐業乃修行當得所遇逝將與之遊誓首謝  
埃壒長嘯崑崙丘

午日曹雲西翁

厚堂今韻玉字

仲夏暑氣微嘉樹鵲溪綠詠歸衡門下逍遙清溪曲屬  
茲午日至悠然對醺醖親戚恒舊歡荆楚尚遺俗飲罷  
仍太息歲月傷局促世情苟驅人毋使隨轉燭願言各  
自愛重之若金玉

秋懷擬古用黃伯成韻

悠悠涉塵世冉冉傷流光來者日紛靡逝者日微茫已



秋不可春一夕百草黃羣動悉偃蹇孤懷良慨慷幽期  
在空谷於以觀翱翔相看且慰意歡樂未渠央

黃仲珍會試回藩省中有詩留別沙德潤任  
以南皆次韻持來求予著語

美人善窈窕長年抱幽素迢迢遡飛鸞昵昵眄盟鸞蹇  
修無裏言良人昧情度歡娛在一息胡然藐雲路  
膏雨下灌木春雨濯文符美人遵江阿中心忽秋冷昔  
期朝雲臺今若中流舫終焉蓬蒿姿慎勿歎宵永

德潤以南又賦以適遠興再和爲荅

清景日以邁玄髮日已素遲迴置鴻鵠曠蕩狎鷗鷺何  
慙曾淳朴頗適晉風度長歌招隱辭延佇淮南路

離離原上蘭泛泛漢中苻春陽豈所私夕露寧獨冷誰  
其念遠人采之寄孤艇曷若遂其息芳馨與時永

贈經筵檢討太原陳敏夫

并州古名郡盤踞山河長禮樂盛姬晉民風本陶唐清  
泚多名家軒蓋相低昂有美元龍豪喬木久芬芳中宵  
德星聚文采遙相望

盛朝尚文治機暇事探討春明御延閣六籍互稽攷  
義貂蟬列經邦坐論道之子初明經盛年致身早晝永  
掄對休揮灑更文藻

四月十七日偕張彥聖陳景曾李道原郭與  
仁倪自明遊東岩蘭若分韻得夏字

客居寡歡樂奄忽歲云夏會合無前期偶爾遂閒暇追  
隨二三子遊憩東岩下杖藜足幽討奚必整風駕野色  
隔市橋塵氛絕僧舍屬茲長養節灌木色相射清賞欣  
所遇置酒此軒榭談玄岸鳥巾林鳥亦驚詫人情脫城  
郭矚眼仍自訝我生頗宏放久矣觀物化世道苟難趨  
端合返耕稼逍遙紫桑廬良以竟晨夜

彥聖次予夏字韻見貽乃亦次彥聖孟字韻  
爲荅

浮生羨楚狂適意類優孟豈惟事文華矧復慎言行暇  
日得朋從游心在觴咏曠茲蘭若幽愛爾林麓淨登山  
竹有題俯檻水可鏡起坐情共真嘯語氣益勁追尋往

事改悵望前修。論文浩無算。行酒肅有令。居然豁塵襟。恍若蘇。久病了無物。我情坐見風。昔性杯盤既狼籍。步履互斜正。重遊當及時。山中筍猶盛。

彥聖再用夏韻見示又和以復

我家住清溪。嘉木藹朱夏。耕鑿頗自適。藏脩有餘暇。中有韋氏傳。素出孔壁下。鄰好皆相歡。興到輒命駕。從容歲時禮。往來東西舍。髣髴總好書。冠首或能射。暄風登春臺。涼月嘯秋射。衣裳時使然。登望俗所詫。縱匪桃源深。亦有漁舟訝。樂矣忘吾憂。逝將與之化。維時已種秫。卒歲競登稼。期君草堂遊。剪燭巴山夜。

再用前韻與彥聖景曾論詩

騷壇有清音翁若奏韶夏宮商相激昂合止適休暇一  
倡每三歎萬籟風斯下夜深鳳來儀屢飭緱嶺駕飄風  
忽大和桑濮俱退舍初疑矍相圃妙中見奇射再疑廣  
寒宮羽衣滿臺榭品題得賞音終然匪虛詫所貴正始  
音不受淫哇評采之貢清廟自足驗風化陽春與白雪  
生意在禾稼竹當集大成鏗鏘振良夜

景曾和孟夏二韻見貽復用孟韵追道向者  
泮林聚首止處之誼

陳子冬日溫可愛若趙孟不競聲利場後容抱傷行我  
昔遊泮林屢歌伐木咏識君稠人中心若止水淨揆余  
素暴白相照兩明鏡君如雖處囊不屑露鋒勁我猶網

尚錦韜晦極深負折肱鄉里兒終愧彭澤令一朝共引  
退似失膏盲病臨川濯我足逍遙遂天性重逢無厚顏  
自謂出處正願言若松柏保此歲寒盛

僕年來塊處閭閻緬懷平昔託交粗多然意  
氣相期者指不多屈因景曾詩中論及交  
道就韻以懷數子隔絕

走昔重交際流汗若炎夏結納天下士寢食若不暇蜀

王藐餘子卧之百尺下王彥強成都人晉秦早穿楊近命武昌

駕秦景容太原人傳子經濟才多士避三舍傅子初鄱陽人有美彭城

宣雄辯氣如射宣伯聚徐州人錢郎早明經翰墨照臺榭錢南金華

亭人落落東甌陳特達衆所詫陳元禮永嘉人雙湖王文學識晚

互相訝王昌言平生此數子因之氣質化況茲得孟公  
稂莠見良稼闊絕殊有懷起舞雞鳴夜

送傅子初先生之信州錄事

去年十月交冬淺寒輒江客居江城館燈火在風露君  
從錢塘來舍舟縱游步一見心爲開問勞出情素番陽  
與雲間相望千里路會合匪偶然況是夙所慕江左古  
世家粲粲美風度射策衣繡歸春生五陵樹文章天機  
錦到手眩昏瞽坐談極疇曩歡然獲知遇自冬更徂春  
不間朝夕晤君於稠人中走獨心所寓傳舍稍密邇泥  
濘亦枉顧開卷祈疑義沛然決東注賞音風雅間神會  
見天趣平生耿耿懷不爲流俗具因君頗呈豁欣快未

易喻誓將與此老結納視親故款洽豈有極忽復報瓜  
戍錄曹雖民職未足展抱負行者崇令德政化藹先務  
分違坐契闊引領不可邇中年別親友作惡若深忤梅  
風彭蠡寬歸鷁慎速渡後約仍綢繆中情尚能賦芳洲  
蹇誰留懷哉美人暮

題傅伯玉來青軒

走昔重慶下總角拜而翁聞之祖父言此老臭味同與  
我爲世契家在兩山中聞山在何處僻近滄海東先生  
隱其下邃若盤之宮開軒納蒼翠蠶螺鬱芴芴拄笏以  
致之嵐氣浮雲濛雲牕筆硯濕雨檻尊疊空春花與秋  
草四時自青紅夏暑熟桃李歲寒斂禾種門深俗駕返



迴有前賢風茲來三十載念之感吾衷先生雖隔世有  
子傳箕弓家種一經在未覺吾道窮況我與伯玉少小  
相磨礱及茲坐遲暮鬢髮各已蓬手澤敬所存矧敢弛  
前功青山不改色軒檻猶玲瓏排闥匪寓言生意那有  
終何以志不朽立言在諸公顧惟通家好詎能忘效忠  
泥塗適偃蹇物理還窮通善保堂構心禮法慎爾躬方  
來當有振鑒此以自崇

瑞閒雲開士雲深處

高人悟般若斂步問棲息冥然百念靜隨處可面壁況  
茲故山深雲氣窈無極雖在三界中若與塵世隔向來  
出山時千里縱杖錫西上醫王城北峯文殊域雄峯快

南遊玉几眇東歷周流歲年邁冥然屏心迹歸來白雲  
在此見非舊識出山固無心在山那有役雲我今兩忘  
有相同木石山河眼底華無復著五色是雲本不深聊  
寓幻化質今茲大自在所向罔不適此中有妙趣欲語  
難自析我生墮世網性本慣幽寂終當從之游瀟灑共  
朝夕復此清淨根直指不容力

昨以青鏡褐帶寄邵志道先輩暇日貽二詩  
以彰所貺不啻引玉之慚次韻爲荅

客從渠國來遺我火齊銅蛟螭結其背文藻交青紅一  
展雙眼明秋江送飛鴻俗狀媿不稱什襲寶匣中念我  
平生親潔白與之同持贈見題品坐使光價隆重君有

僊骨長年駐顏容豈知晦迹士玄鬢成飛蓬  
縞帶不緣碎出自鮫人杼閭闔蔽光華纖纖樹紋縷服  
用必老成褒博邁前古垂之良有餘踐履有門戶一御  
君子身居然稱章甫步趨重禮貌周折中規矩荷君不  
鄙夷約束還見許立朝對賓客老矣更延佇

春晴次申屠仲權進士韻

澤國厭久雨暮春生晝陰羣芳悉委翳何以忘憂心況  
迺泥潦阻朋侶少盍簪晨興矚新霽拍拍春流深散策  
茅簷下對酒還自斟許身沮溺徒逍遙浣塵襟

春山在屋外照映綠水灣暄風斂宿靄秀色若可攀恍  
疑桃源路窮窵非人間欣然寓游目及時爲開顏花香

原缺

渺莫卽引領徒懸懸  
緬思繁華節光風汎山川  
娟娟渚花媚恰恰谷鳥遷  
郊人戒農務芳草催詩篇  
于時正興矚擊壤聲相傳  
沉憂感物色泰道何多愁  
人事蓋有忤天運豈所偏  
安得伶倫竹感召和氣還  
大鈞忽駘蕩生息斯可全  
願言陶化景調燭在時賢

奉寄海鹽知州李正卿先生

往歲事行役路入錫山道  
公務有程限不暇致幽討  
期會邦大夫迺得斯文老  
班荆草莽間一見顏色好  
船頭接杯觴彼此露懷抱  
泚筆賦黃花屬意出天造  
暇日再升堂披豁見文藻  
學問仰前列結納悔不早  
所惜吏事稽告別殊草草  
歲晏歸故林藜藿強自保  
雲霄絕躋攀

世路迥如掃文星忽移次屢起視蒼昊雖乏彈冠資庶  
得慰枯槁感激良有懷心焉怒如擣海城遠邊烽觀瀾  
近三島惠然澤斯民終以養吾浩會當挈扁舟濶絕重  
傾倒

贈星數術士陳秋巖

天上種白榆豈使塵世知人心極天理乃有步天詩好  
風或好雨未易以意推晦明與躔次側候無愆期人身  
列三才照耀匪所私曆象示禍福鑿鑿信不欺陳生得  
玄祕傳授有心師拍掌披周羅隱顯見豪釐我生五行  
內貴賤詎可移因子許蔗境遲暮不復疑

人身小造化中有天地理形氣苟相遭總合大易旨籌

策運乘除變化亡起止千古發幾微乃得素與李擊壤  
集大成煥然具衆美經世浩莫量論命同一軌微言明  
晦吝勇決至生死擾擾六合中萬類莫逃此相逢叩浮  
生妙語瑩如水往哉抱韋編冥心究終始

田家四時詞爲九山學稼軒作

大鈞播羣品生意滿寥廓晨興矚南畝鳴鳩在林薄婉  
孌起遐思良時戒東作燒痕日以回野水日以落荷鋤  
豈辭勞勤動有餘樂臨流歌幽風心跡欣所託

迢迢谷水陽山勢西南翔平野萬頃間林巒互低昂屬  
茹長養節綠陰滿虛堂耘耨旣休息藹然苗稼香端居  
無物役朋來時命觴餘力事編簡先民遠相望

廩秋殞霜露成功行及時刈穫遍原野萬寶紛陸離童  
穉日夕喧欣然不知疲聖門貴道德於焉鄙樊遲無逸  
示艱難拳拳戒先知微生已忘世舍此將安之

鬱鬱嘉樹林宛宛溪水曲幽人此躬畊良田遠茅屋歲  
晏農務休我廩羨種穠蜡酒歡里閭相與分景福變遷  
吾弗虞治忽吾亦足永懷陶公廬無忝鄭子谷

戊申仲冬兒穎爲館人所連得罪繫獄朋游  
咸謂必老夫叫闥乃可昭雪由是衝寒扶  
憊戒途凡越旬始抵石城道間記所見得  
詩如左

澱湖



夜宿郭家舍早行陳墓村霧歛湖蕩白遠水浮晴瞰兵  
餘聚落廢草木蕩不存傍橋得野店剡船具晨餐向來  
經行處恍惚不可論川原莽無際黯然消我魂豈知衰  
暮景值此天地昏

吳門

日夕望吳門荒煙翳寒草泊舟問何處云是對門道三  
年百戰餘人烟迹如掃舉目山河異恍若天地老殘民  
餘幾何流離孰能保仁者不可追誰其念枯槁嗟哉乘  
除理實匪人力造茫然夢寐間惆悵對蒼昊

新安鎮

白首念舊遊瞬息六七載興衰反掌間宿昔魂夢在向

來太原公襟度絕爽塏大開青油幕籌策善掄采談笑  
合經綸事業有期待入幕匪郝超羅致慙郭隗重來弔  
遺跡驚心變桑海故舊散如雲我獨毛髮改城門嗚咽  
水似恨有遺鎧天運不可量鑄錯詎能悔

沙湖

凌晨出沙湖杲杲寒日赤望路指西南赴風挂帆席行  
行數里間舟底盡沙磧歲暮寒水落過者總煩劇篙師  
力支撐進寸乃退尺叫呼問鄰舟始得指所適中流植  
荻葦表以潏水迹由茲遂無阻四望始充斥迢遞達岸  
傍回首日已夕嗟予匪徒行衰謝牽物役人生苦多虞  
仰羨投林翮

義興

朔風中夜起白晝生晦冥舟行向亭午問路循郊坰日  
色稍窄漏歷歷崗巒青地出陽羨西亂後皆凋零良田  
久荒穢聚落如晨星乃得張生廬回塘水泠泠少年頗  
解事肅客開林扃燒薪具湯沐置酒陳壘竝具言兵火  
事慘惻難爲聽余亦感其意強飲忘獸醒明發戒行李  
指點仍丁寧

前馬鎮

水行數百里今日始登陸老來筋力微徒步窘局縮幕  
抵前馬鎮人煙稍蕃簇琳宮半摧頽猶是前朝屋陰陰  
寥陽殿仰見親像肅吁嗟禮樂壞銷毀日相逐鬼神依

人靈至此亦傾覆出門投逆旅展席成地宿江東形勢  
高土室頗溫燠牆隈卧兩牛對月寒舐犢因之傷我懷  
中宵淚盈掬

漂陽

戒車屬昧旦霜露猶淒淒折旋荒墟間石逕迷東西第  
宅燒焚盡頽垣互高低北風振林箔寒鳥向我啼逶迤  
出官道所見愈慘悽南來多遷客一一援子妻嚴冬犯  
冰雪面目俱沙泥厯險復凍餒矧敢勸濟皇天有恒  
運何以慰黔鰥擾擾六合內誰能遂幽棲

七里山

我生本無營垂老值逆景山水性所樂

迎心目逞朝

來經行處林麓頗深靜松篁雜泉石豈不慰馳騁一見  
暫解顏愁慮終莫屏那能似平昔到眼輒記省始知乾  
坤內萬事如過影患難偶相遭定力未深領曷若忘吾  
憂陶然造真境

分界山

亂後喬木盡新植纔拱把惟時搖落餘山色亦瀟灑至  
茲頗險峻宛轉曲崖下路出分界山神思欲傾瀉僅有  
古廟存斷碑仆荒野緬思承平年處處雞豚社衣冠不  
復進何由斷風雅我雖一腐儒自謂賞音者胡然迫物  
累對此失陶寫

官塘

曉行犯霜露驅車上宗岡四顧人煙稀日色浮蒼涼山  
家竈無突炊烟滿衣裳出門復風沙老眼終昧茫父老  
爲我言時事殊可傷此邦蕞是邑右族佯金張粵從亂  
離始十室九喪亡強壯殞鋒鏑老弱委路傍形勝旣改  
觀山川遂無光累累偷生者榆景何由長語罷長揖去  
喟然面穹蒼

白府君廟

道經溧水縣古廟當城陰浮雲映霄漢鬱鬱宮殿深脩  
門聳飛閣穹碑列森森前朝屢褒頌落落正始音國家  
崇祀典首以民爲心陵谷有遷代造化無古今信知鬼  
神德福善終禍淫馨香苟可薦黍稷非所歆

謝亭岡

此地非汾山所歷無絕險高下百里間崗巒互重掩民  
居稍聯屬兵餘苦勤儉山田固微收況復經歲歉停車  
謝亭岡暮色昏冉冉風寒人不行遙見燈火颺恍然遊  
子懷偃蹇忘拘掄

青埂

夜寒宿秣陵曉霽度青埂旁臨總溝壑不啻瞰智井俯  
視層冰橫照目光炯炯與人亦良苦交馳畏肩竝霧昏  
迷轍迹有力不敢騁我時舍車行屐滑不憚整殷憂莫  
斲置懷抱常耿耿山川不我厭衰晚負清景何當問蒙  
莊寸心若灰冷

金陵

亭午寒霧收，日色漸昭晰。此行旣迢遙，身世任曲折。四顧遠近間，羣峰儼環列。峩峩石頭城，形勝天地設。龍虎相踞盤，王氣故不輟。鍾山一卷石，迴與他阜別。山川無情物，往往隨變滅。粵從典午來，禹跡屢割裂。豈不祈永延，中自仁義缺。是知王伯資，初不恃險絕。誰其罪真宰，惆悵還結舌。白首匪壯遊，弔古粗可悅。唐虞彼何時，長歎肝肺熱。

壽靈源上人遊方

我生頗宏放，素有山水癖。胡爲墮世網，所願久未適。矧當風塵際，及此頭盡白。豈如浮屠人，蕭散無物役。名山



勝水間往往快遊歷青鞵萬里道不汗緇塵迹相逢明  
眼士心地渙冰釋壽公山林秀豈憚勤勞力發軔始自  
茲端可窮絕域設心一以廣所向竟終極了此最上機  
三界在瞬息歸來烟水間借我半禪席

錢塘林子文以星術醫藥畫筆遊食江湖爲  
題行卷三首

璿璣耿夜光所示各有象七政一以齊玄理益浚廣萬  
類靈者人命運合天壤儒先妙推測經緯在指掌後世  
得其文禍福益宣朗

我聞賣藥翁夙尚韓伯休避名字宙內殆亦僊者流後  
來不乏人往往繼前脩濟世在陰德豈爲生事謀刀圭

忽通神遂與元氣游

古來朝野間靡不重豪素山水擅甲科夙昔著名譽  
湯涖積雪峯險絕懸崖樹之子法李郭惜墨見天趣  
幸寫桃源圖艱危得歸路

秀女嫠居澄江無後可託親往載之以歸庶  
盡父子之道且得縣宰給以公文沿途無  
關譏之虞丙辰歲二月廿一日出關宿城  
南屠家鎮逆旅中夜分枕上紀述示舟中  
同行者

暮出澄江城夜宿屠鎮市身老憚驅馳情真易嗔喜生  
平兒女債累及衰暮齒婚嫁雖粗償生死那可擬逝者

不復追存者詎能已經營盡人事得失任天理此行未  
爲迂所願聊復爾同舟得佳侶聯榻忘旅邸去住釋殷  
憂周旋賴知己鷄鳴客夢迴犬吠征人起旋聞啓重扉  
又欲戒行李關譏良可虞公檄信足恃吾生旣若浮老  
境復何止沉冥但結舌感激還撫髀聞道固茫然忘機  
亦久矣何當絕紛埃放情好山水

寄贈潁上縣令車則明會稽人小兒穎以罪  
遷彼此公知其非辜每加矜昧

東瞻會稽山萬古神禹跡欽嶇控大荒偃蹇鎮南極蓬  
瀛屢清淺造化恒鬱積人物秀所鍾不啻崑產璧衰微  
或相尋生毓詎肯息之子經世資製錦蹙淹抑光岳含

靈氛終古有通塞

孔門有遺訓政事列四科單父坐鳴琴武城起絃歌至  
今百里間聖化恒漸摩汝陰古名郡先哲屢經過巢由  
垂隱跡歐蘇鼓文波起廢喪亂後豈不煩撝訶頗聞德  
化感道碑藹春和願言邁前列脩途振鳴珂

微宗事儒素家在嚴灘上衣冠久淪落喬木亦凋喪平  
生江海心旣老尚宏放應門賴弱子粗習菽水養一朝  
坐斥逐夢寐隔千嶂無家復貧病曷異楚囚狀徬徨越  
犢情悽惻倚閭望明公憫斯文青眼顧流浪有德彌二  
天沒齒詎可忘

贈寫神王鑑堂

江心百鍊銅照物無遁形入於天地間方寸尤神靈不  
知子都姁有目若晦冥之子頗絕特炯炯矚青豪端  
化工在妍醜任使令凌烟重一代傳岩貴千齡自古賢  
達士德義斯可銘慎勿薄固陋更參相心經

寄南金絕句

朝望茜溪雲暮望茜溪水倚窗對晚色懷人不能已

夢中紀遊

春澤下楚雨暮江開野花巖灘釣魚客却上瀟仙槎

題窠石絕句

雲際天籟收石底元氣蟄幽人憺忘歸日暮山鬼泣

金錯刀竹

君子在澗谷歲晏服豹韜擬將鐵石心鑄作金錯刀

蟻術詩選卷之二

元雲間邵復孺著

明新都汪 稷校

五言長律

貞溪寒望

物色存荒域人煙散遠郊  
閑門當野際望眼出林梢  
水落三秋後天寒十月交  
草蕪殘畎畝塵沒舊衡茅  
日送牛羊下霜催橘柚包  
溪潭魚漏網經樹折烏傾巢  
風俗從時改丘園未易拋  
生涯慙負郭歲事乏充庖  
獨學唯疎嬾羣居適混殺  
世途多反手友道絕投膠  
無復懷招隱猶堪賦解嘲  
興來從日斷一鴈下塘坳

至正庚辰歲暮大雪同孫果育李野衛立禮

三先生分韵賦禁體得天字二十韻

肅殺成冬令禎祥兆臘前何人能剪水此夕遂彌天始  
訝同雲合俄看大地連皇恩敷宇宙春意滿山川氣應  
豐年早光還太極先灑牕初淅淅入幕已翩翩部婁因  
成積坳堂久未填隨風元辟易帶雨却俄延萬室均霑  
瑞千林競奪鮮獵圍明燧火僧舍起茶烟高卧甘茆屋  
深耕望秫田映書如有約授簡豈無緣金帳家聲舊朱  
樓樂事傳酣遊曾驤裏低唱總嬋娟尚覺寒罍好猶宜  
破帽偏雞羣空出色驢背莫爭妍巖瀨仍高節程門憶  
少年陶情憑酒力禁體詫詩篇豈意三陽迫重驚六出



全因聽郢中曲欲覓剡溪船

太原秦景容肄業胄監以春秋經中大都鄉  
魁有田在海隅至正壬午秋以收稻至雲  
間錄示近詩和韻復其來意二十韻

世宦推三晉聲華自五陵禮隆鄉舉首望重辟雍朋白  
壁光堪摘青霄世所矜山陽聯胤胄淮海接雲仍鼓篋  
曾無忝穿楊豈不勝十年加淬礪萬里會騫騰俊比峯  
尖隼清嫌棘上蠅依依春月柳炯炯玉壺冰家學多軒  
冕師模足準繩吟空謝池草業費剡溪藤壯志懷前席  
雄才薄販繒詞源長倒峽賦壘況高滕道本關淪喪文  
應有廢興遠遊方澤國清話及鄰僧鄉味鱸曾膾家書

鴈可憑海潮鳴客枕江雨入書燈繼廩饒杭稌羞籩到  
芡菱雅懷青嶂疊 白雲層傾蓋真如故盟爐獨未

能春秋湏附驥早晚看搏鵬

送松江太守楊公正秩滿歸太原

裂土邦千里孤城海一陬廟堂嚴遴選牧守慎徵求有  
美楊夫子真如漢列侯雄才方趙璧間氣出并州阜蓋  
聲華重銅章禮數優民心懷善教政典邁前脩突兀黃  
堂改森嚴畫戟稠阻飢憐接踵移粟慰窮愁疏鑿江河  
道經營畎畝秋泮宮仍領魯多士率歸周一諾疏畱獄  
諸公服遠謀笑談均賦役聲價滿林立強梗俱潛跡高  
明獨運籌拳拳崇祀典翼翼介神休報最還前列掄主

孰與儔去思登史冊來暮起歌謳雲路追黃鵠春風送  
紫騮棠陰長藹藹柳色自悠悠波暖江淹賦天空庾亮  
樓未能趨幕府只想逐鰲頭朝野連吳楚恢台直斗牛  
何因能借寇高興欲依劉

悼趙士弘先生宋宗室良字行

與先生同  
戊子生

大族連天水餘芳出浚儀英雄隨氣運浩蕩濟艱危爲  
庶清門貴傳家舊俗垂人猶羨鍾鼎業不廢弓箕文物  
終難泯才華竟莫施通家推執友喬木共殘枝先子交  
承蚤同庚意氣如由來諳契舊比歲數追隨倡和形詩  
筆殷勤接酒卮客樓頻對榻親舍屢彈棋近作溪頭別  
方爲歲晏期計來疑入夢心折恨難追殷禮終黃土商

歌起總惟斯文情所感況乃哭吾私

錢南金往歲胥會嘉禾紫虛觀近聞館於澱湖謝氏經年隔絕寄詩問訊二十韻

世路多關隔音書絕往還故人長在望良會眇難攀伊  
昔來葦泖平居共里闌簡編爭取益詩酒最相關花徑  
時時埽林荆日日班比年恒異處吾道屬多艱鷗鳥風  
波急醯鷄宇宙怪洪溪重邂逅玄鬢各徧爛分手仙人  
宅傾心刺史灣璫璆寧自韞蕭艾孰能刪忽報遷翹館  
還堪慰旅顏新詩應夢艸短屐快登山孤陋嗟無似驅  
馳老漸頑塵居惟習嬾浪跡暫投閒漫欲爲雞口何能  
見豹斑心期忘蹭蹬歲序任循環故里春猶在秋隴月

又寧平湖澄水鏡孤阜聳烟鬟目斷蘼蕪際神勞夢寐  
間少須携白墮相與岸青綸

辛丑早春和顏仲逸新正試筆韻

江湖逢獻歲塵土各忘年天際凝煙沒林梢霽雪懸山  
川祇尚爾風物頓蕭然鳥語春聲動魚浮水氣還豐凶  
沿俗讖治忽驢巫筭對酒亡新頌簪花失舊妍干戈紛  
未已燈火寂無傳閱世驚身老題詩讓爾先

客居感懷寄簡吳野舟四十韻

喪亂嗟吾老漂流惜子賢鄉關荒政裏萍梗畏途邊撫  
事從誰論偷生祇自憐泥塗長汨沒甲子屢推遷未覺  
心灰冷何堪室罄懸泰山那畏虎蜀道但聞鵲蕩析彌

千里征徭徧一廛故園迷草莽喬木混風煙寶劍深埋  
匣瑤琴久絕絃兒童荒問學故舊失周旋生理儒冠誤  
才情世累牽志乖綿上隱業廢汶陽田蓬島知何地拖  
源別有天少年違宦達晚景負神仙著屐慚靈運登樓  
感仲宣意行花漠漠悵望草芊芊物色何曾歇人情實  
自煎愁添新白髮貧憶舊青氈結舌防漓俗潛形遠逆  
愆行藏甘屏迹塗抹敢求妍倦欲英華斂窮惟氣節堅  
不煩詹尹卜雅愛子雲玄夙昔知予者于今獨爾焉家  
聲昭代重姻好德門聯和璧傷淪沒韋經肯棄捐重逢  
驚濩落交慰憫顛連江海孤舟險風霜短褐便襟懷還  
尚爾身世總茫然稍訝頭顱改仍欣禮貌全賞音殊落

落屈指特拳拳豈望唐虞際猶攀魏晉前  
隱淪須隴畝衰謝合林泉黃卷希聞道丹砂覲引年  
誅茆求杜曲種菊訪斜川春雨漁蓑唱秋風鶴帳眠  
酒杯從放浪詩卷湧流傳小佇乾坤豁無憂雨露偏  
浮生多曠達此意豈遷延投老寧無託相親定有緣  
好焚經世策同貯買山錢

邾仲誼博士久別重見以詩敘聞依韻答之

二十韻

客舍窮無事柴扉懶不扃鄉田荒稼穡野饌雜參苓  
喪亂身空老浮沉夢未醒功名嗟曉露故舊惻晨星  
世道紛叢棘流光逐建瓴忘形從槁木託跡任浮萍  
衰衰欣

投筆寥寥願授經堪輿更代謝動植總凋零幸免題鸚鵡  
鵠何堪賦鵲鴿暖風仍甕牖涼月尚虛櫺適興紋楸局  
開懷瓦缶醺風埃便短褐畎畝絕侯鯖細帙繁新蠹練  
囊冷舊螢故人頭盡白重見眼終青媿我淹顏巷傷君  
憶孔庭久懷投臭味何啻挹芳馨思繞盟鷗渚羈栖吸  
鶴汀雲霄迷北海壺嶠隔南溟蹇劣顏增甲衰顏目眩  
丁幾時同辟地萬里快揚舲

追悼南金錢文學二十韻

弱冠論交道斯文獨賞音瑤環生世族冠帶表儒林學  
海窮探討詞源極訪尋漸磨期遠業爾汝得同襟文采  
珊瑚樹聲華綠綺琴幽蘭湘浦韻喬木謝庭陰才美時



無遇情真世所欽精神元不負道骨竟難任嵇阮風流  
遠輿犁意氣深半生聯里閑卒歲盍朋簪夜雨巴山話  
陽春郢上吟對碁忘寢息沽酒喚登臨漂泊緣生事緘  
題出素忱風塵多契濶鄉井共浮沉末路傷存沒危途  
異古今空梁迷落月宿草暎遙岑後死遭時變殘生迫  
歲侵丹心長耿耿霜鬢益駸駸草記王孫跡梅存處士  
心空懷掛寶劍那復鑄黃金

乙卯立秋日客舍紀懷二十韻時長兒克穎  
遷于潁水幼兒克淳沒于濠梁故園凋落  
殘生茫然不能無感於天時也

棲遲頻閱歲疎嬾又經秋身老那禁病時危未解憂客

居甘屏迹儒術悔無謀無事浮雲變驚心大火流家山  
如隔世鄰里盡荒丘杜曲傷遺族咸陽惜壯遊兵塵餘  
瓦礫烟夢亂汀洲南郭違憑几西風倦倚樓幾年春浪  
濶三泖暮雲稠世道何多梗吾生信若浮悽迷忘夢鹿  
浩蕩失盟鷗鐵硯功無補丹砂志未酬偷生情惘惘  
後計悠悠楚室囚仍繫殺陵骨未收音書惟墮淚伏臘  
轉添愁霜露埋歸轍關河阻去舟孔懷陳俎豆雅志託  
箕裘晦吝亡先兆竹藏豈預籌疎狂猶有興衰謝復何  
求宇宙還清氣樵漁送白頭

蟻術詩選卷之二

蟻術詩選卷之三

元雲間邵復孺著

明新都汪 稷校

五言短律

陪孫果育先生遊于山次韻三首

題圓智寺

古寺藏雲表幽花遶路傍溪山如有約心跡總相忘翠  
壁題詩蹟青籃采藥香野人應未識白髮舊潘郎

懷古太初書記

此老誰復記近來何處尋勤勞非左計正始有餘音月  
冷虛白室秋高空翠林遺蹤不可訪回首碧雲深虛白空翠

皆其  
室名

贈壽南麓上人

暮下山房榻晨炊石澗泉聽鐘清夜坐移枕白雲眠南  
麓曾題竹東林未種蓮何當結茆屋投老學逃禪

辛巳歲元日雨雪中飲曹西翁家次翁韻

望眼鯢鵬運驚心犬馬年東皇開萬象南雪暗中天歲  
事驅馳裏村居寂寞邊樹花易爲醉夜久不成眠

錢南金往海鹽省母阻風歸遲用曹雲西韻

懷之

村纜曉未解溪風晚自和君行殊未久花落已無多夜  
饌魚如玉春庭雀可羅遲遲去魯日遊子意如何

寒食次雲翁韻

春信催玄鳥客愁聞杜鵑  
一邨寒食雨三月杏花天  
物色知誰賞風光亦可憐  
西湖長入夢人在采香船

還家舟中口號

人語荒村晚船行逆水風  
平蕪鷗外綠落日鴈邊紅  
奔走生涯拙歡娛往事空  
故園看漸近喬木有無中

荅宣伯褒孝廉見寄韻

高致嵇中散能書褚遂良  
家聲惟學禮經術更尊王  
湖海多清議丘園閔耿光  
驂驪終闊步未肯漫騰驤

丁亥臘月廿八日立春雲西翁有夜枕之作  
詰朝置酒餞歲次韻以復

蜡酒今朝臘牛鞭昨日春  
山林藏勝地天地有遺民  
池草生新夢牕梅若故人  
夜深風雪底鷄唱又催晨

橫泖客舍立秋日

塵世常爲客天時又立秋  
病餘疎簡冊地僻少朋游  
高樹商聲動虛牕雨氣浮  
浮生迷出處祇合老林丘

橫泖雜言二首

橫泖清晨望人烟樹幾重  
三江歸禹貢無水會吳封  
雲倚孤村塔潮生半夜鐘  
田翁談古跡隔浦是青龍

橫泖在吳

淞江南  
數十里

廣厦人來少青山遠對門  
緩潮通曲港高樹接遙村  
井記袁崧宅鄉連宰我墩  
行吟聊適興心迹未須論

袁崧宅在

我墩皆在數里  
間遺跡存焉

客舍早春

下榻荒村夜挑燈傳舍春江湖爲客處花鳥隔年人  
世事隨時變風光幾度新天涯芳草綠想見故溪濱

寄南金

樹老深村巷苔荒舊釣磯地偏途路隔世亂簡書稀  
病骨須丹鼎閒身且褐衣春來能載酒重話久相違

哭劉希孟先生

蜀國山川秀吳門閭閻深家聲推朔黨世業擅南音  
時俗防遺直江湖見古心察察紫霞譜諸子尚能尋  
有道常高世懷才只曳裾賦愁周庾信卧病漢相如  
貧

幸家擅在清無僭石儲斯文多汲引濺落寄來書

無錫東屯和朱梅山司丞韻二首

世亂人烟廢村荒道路賒遠山猶突兀朽木自欹斜黃  
落驚林葉紅搖見渚花獨憐行役勸回首髣霜華  
此地窮兵後前朝勝跡賒黃沙成廣漠白骨競橫斜鶴  
去空華表鷗飛起浪花却思天地裏底事有紛華

歲暮九山道中二首

兵火何多難人烟此獨存鶴歸城郭老龍去海波渾廢  
屋青山寺斜陽錦樹村蹉跎猶自任軒豁共誰論  
向老忘機事無營守故林風霜屢搖落身世轉浮沉列  
屋咻齊語孤舟動越吟梅開驚歲晚於爾慰貞心



橫溪夜思二首

宿霧隨雲斂寒星著水明客舟移遠岸戍柝報初更老  
覺驅馳倦愁思喪亂平故人鷄黍約歲晚更多情  
海角天寒夜沙頭月暗時梅花還入夢芳草不成詩聞  
道懷南郭傳書憶下邳所嗟遲暮色豈計往來期

挽衛立禮先生二首

文獻承平族衣冠靜壽堂廬居成大隱家學擅遺芳牀  
上圖書富壺中藥草香清門堪佚老喬木遽斜陽  
白雪孤鸞操紅塵小鷗冠陶情千日酒養道九還丹風  
月詩篇逸乾坤舞袖寬花堂竹樂地春事在芝蘭

泗涇雜詩四首

閱世心先老看山興橫生驅馳仍合道遲暮若爲情事  
向愁邊廢詩從酒後成晚來黃葉墜閉戶聽秋聲  
客枕驚秋夢鄰舂起夜歌兵塵長荏苒歲月易消磨末  
習游談勝浮生左計多扁舟未落手浩蕩白鷗波  
秋盡江村迴時危世路艱地偏從漫浪身老絕躋攀隱  
几懷南郭移文尚北山興來仍極目詩滿夕陽間  
鴈驚橫秋影村墟起暮寒隱淪同木石游惰廢衣冠白  
日那能駐青山不厭看故人江海隔驚喜問平安

次韻荅馬本勁賢良見寄

公府徵賢日賓筵講道時抗詞風灑灑退食晝遲遲才  
美蒼生望文高宰相知曳裾纔借筮入幕已先期

俞山月用韻敘舊如韻荅之

市樓聯榻夜溪館艤船時縱酒花飛遍吹簫月到遲情  
隨時事改心有故人知但得江山在逍遙自可期

早春用前韻述懷錄似馬俞二友

剪燭驚新歲看花感舊時身閒從鬢改親老願春遲貧  
豈揚雄逐愁惟庾信知風塵任萍梗未負野人期

城樓雨夜

十月荒城夜三更暗雨天鴈聲營柝外鷄唱寺鐘前松  
菊何入問萍蓬往夢牽物華兼世態回首一茫然

歲暮

丁未

江海歲云晏乾坤戰未闌世途長恍惚吾道轉艱難陶

逕無成趣龐門敢遺安豈知投老日不厭遠遊冠

已酉春金陵旅舍和蔡君立程傳可二友韻

六朝江左國二月雨中春舉目山河異驚心草木新  
盞忘孟浪把酒慰艱辛莫問庭花曲興亡有鬼神  
撫事傷遲暮勞生感晦明風塵城郭老花柳歲時更典  
午虛龍虎阿房實鼎鑄春寒欺旅客二月未聞鶯

奉酬錢曲江見示韻

何遜詩逾古江淹筆尚靈秋風黃葉寺春雨綠莎廳  
竹樂那能繼浮沈不暫醒康門在人世何日遂潛形

漫成二首

久雨秋將盡愁雲冷未開形神同木石眼界總蒿萊舊

讀書忘記新成句  
嬾裁棲遲何所託  
衰謝莫相催  
風急欲墮戶  
夜寒思授衣  
亂離生事拙  
漂泊壯心違  
猷憤長形夢  
亡羊久息機  
柴門秋色起  
倚仗看雲飛

春日橫溪

對酒忘衰髯  
看花憶故園  
春光空在眼  
客路總忘言  
老羨山林逸  
愁嫌市井喧  
周旋從習俗  
出處信乾坤

哭王子章先生二首

家世儒爲業  
江湖字得名  
貧居成樂地  
孝養出真情  
造士登侯泮  
觀光及帝京  
哲人天弗壽  
波冷自鷗盟  
好客長浮蟻  
書經每換鸞  
家庭聞禮早  
舍館育才多  
力學心何苦  
加餐老不磨  
斯文總凋落  
天道信如何

挽謝德嘉同知二首

鄉里推名族丘園重老成  
璽書來暮景玉樹起前聲  
讀史諳興廢彈冠荷寵恩  
晨星政寥落天道底無情  
高世襟懷古承家姓字香  
墳篋曾迭奏橋梓復聯芳  
雲冷登山屐春閒夢草堂  
奕靈應不朽騎鶴晉人鄉

和襄陽縣宰沙德濶春遊韻

春事元無算人生若有涯  
傷門新種柳滿縣舊栽花  
小隊東山屐清風北苑茶  
襄陽行樂處幾度接羅斜

蟻術詩選卷之三

長洲吳曜書張  
穀陸本章權刻